




說略卷之三十

蟲注下



江寧顧起元太初輯



馬賦有云其名則汗血山子桃駘綠耳金喙騰黃騶  
吾吉光蒲稍啓服野麋蛾鹿白蟻雞斯蜚鴻母兒遺  
風騶囊茲白織驪尸子曰馬有紫燕蘭池秀騏逢騮  
黃子曰馬有晨風黃鵠按符瑞圖曰黃帝有馬曰飛  
黃一曰騰黃乘黃吉黃翠黃又紫黃狀如狐乘之壽  
三千歲吉量乘之壽千載此出犬戎見山海經又瑞  
說略

卷之三十一

一

應圖禹有飛兔日行三萬里騶囊日行萬八千里應  
劭曰一日行萬五千里太公六韜曰散宜生賂紂者  
曰鷄斯又犬戎吉彊義渠茲白能食虎豹周書曰正  
北獻馱馱馱生七日而超其母呂覽曰伊尹說湯  
天子有遺風之乘周穆王傳八駿一曰赤驥二曰盜  
驪三曰白義四曰踰輪五曰山子六曰渠黃七曰華  
騮八曰綠耳史道碩畫本名同又有名翠虬者見揚  
雄河東賦王子年拾遺記則一曰絕地二曰翻羽三  
曰奔霄四曰超影五曰踰輝六曰超光七曰騰霧八

曰挾翼疑未見穆王本傳故也韓非子曰延陵卓子乘蒼龍桃文之乘左傳唐成公有驪驪又圖有含陽紅驪黃鵠晨風綠蛇紫燕古今注曰秦始皇有七馬一曰追風二曰白兔三曰躡景四曰追電五曰飛翮六曰銅雀七曰晨鳧一曰神鳧史記曰項王有烏騅西京雜記曰漢文帝自代還有九馬一浮雲二赤電三絕羣四逸驃五紫燕驪六綠螭驄七龍子八麟駒九絕塵號爲九逸後得千里馬却之漢書曰武帝有天馬西極馬天馬汗血洞冥記曰東方朔遊吉雲之

說略

卷之三十一

二

地越扶桑之東得神馬曰步景馮奉世傳曰宣帝有大宛象龍世說曰昭烈有的盧魏書魏武有絕影後漢書呂布有赤兔寰宇記張飛有玉追曹真有驚帆拾遺記曹洪有白鶴穆天子傳注魏文有鮮卑黃耳又遺孫權織驪陳王獻魏文大宛紫騮崔洪十六國春秋呂光有天驥載記慕容廆有楮白通鑑姚襄有鷲眉驪水經注赫連世有白口驪南齊書齊高祖有龍驤赤宋書袁顛有飛燕晉載記冉閔有朱龍劉琬有騏雄伽藍記後魏河間王元琛有追風赤驥獨異

志後魏曹彰以妾換白鶻魏書昭成有馬曰騮騮小  
說梁武帝有照殿玉獅子又有河南國赤龍駒又有  
紫騮舊唐書吐谷渾有青海驄朝野僉載隋文帝有  
大宛師子驄唐太宗得之民間金石錄太宗有六馬  
拳毛騮平劉黑闥什伐赤平王世充白蹄烏平薛仁  
杲特勒驃平宋金剛颯露紫平東都青騮平竇建德  
又樂志太宗破竇建德乘黃驄驃回紇傳太宗又得  
骨利翰國十馬一曰騰霜白二曰皎雪驄三曰凝露  
驄四曰懸光驄五曰決波踰六曰飛霞驃七曰發電

說略

卷之三十

三

赤八曰流金騮九曰翔麟紫十曰奔虹赤開元記唐  
明皇有照夜白有玉花驄秦再思紀異錄天寶中大  
宛進馬有紅紫青黃丁香桃花六叱撥上自製名曰  
紅玉輦紫玉輦平山輦凌雲輦飛香輦百花輦又宋  
王明圖叱撥有八異前者曰紅耳曰死夾曰榴曰榆  
曰紫騮其二同續博物志肅宗有千里馬杜陽編代  
宗有九花虬德宗有神智驄如意騮又國史補代宗  
有望雲騮酉陽雜俎秦叔寶有忽雷駁杜詩注郭子  
儀有獅子花卽九花虬也畫鑿曹霸八馬圖有玉面

駢又有連錢驄燕友白九馬圖有拳毛師子杜詩荆南節度使衛伯玉有玉腕騮廣陵妖亂志高駢有馬曰大鳥五代史朱溫賜寇彥卿一丈鳥劉旻有契丹黃騮號自將軍魏王繼岌選蜀馬二十曰麝香踰錦耳驄駱十二趣日驄徧界玉陷水踰長命騮孫兒驄籠菴白八百哥掠地雲錦地雪面娘月影三玉尾踰撒沙騮天花駱旋風白牽地嬌六尺金啣蟬奴玉壺清話宋太宗有碧雲驥邵氏聞見錄仁宗有玉逍遙烟雲過眼錄李伯時貌天廡滿川花又有于闐所貢

說略

卷之三十

四

錦膊驄墨庄漫錄神宗亦有玉逍遙孔子談苑神宗有馬曰小烏齊東野語畢再遇兗州將也有黑大蟲常居安梅澗詩話姚興有青師子宋史曲端有鐵象名臣言行錄西夏酋名青面夜叉有赤駝起世經轉輪王紺馬名婆羅訶瑞應經佛生之日王家馬產駒曰健陟

世惟知唐玄宗之有舞馬其事見明皇雜錄而不知前已有之非常馬也山海經述海外大樂之野夏后啓於此舞九代馬宋大明五年河南國進赤龍駒能

拜伏善舞唐中宗景龍間弘文館記有舞馬殿中奏  
蹀馬之戲宛轉中律遇作飲酒樂者以口銜盃臥而  
復起又異物志云大宛馬有解人語知音律者

今自御前以至諸王函簿皆有誕馬誕字義不可考  
程大昌以爲袒馬義取有馬無鞍如人裸袒之袒也  
引宣和鹵簿圖誕馬用色帛周果一方氊蓋覆馬脊  
不旋鞍爲證理或近之然有氊帛爲飾亦非袒矣今  
却有鞍轡如常而氊覆之

周書王會所載國名物產曰青馬黑氄謂之母兒曰

說略

卷之三十

五

稷慎以大麀曰穢人以前兒若獼猴立行聲似小兒  
曰良夷以在人首脂其腹炙之霍霍鳴曰揚州以  
禺禺魚名解隄冠曰發人以鹿如鹿迅走曰兪人以  
雖馬曰青丘以九尾狐曰周頭以輝羗輝羗羊也曰  
黑齒以白鹿白馬曰白民以乘黃似騏背有兩角曰  
東越以海蛤曰歐人以蟬蛇曰於越納謂納貢曰姑  
妹珍謂珍物曰且甌以文蜃曰共人以玄貝曰海陽  
以大蟹曰自深以桂曰會稽以鞮鞮可冒鼓也曰義  
渠以茲白若白馬鋸牙食虎豹曰史林以酋耳身若

虎豹尾長三尺食虎豹北唐戎以閭閻卽踰似驢也  
曰渠叟以鼪犬飛食虎豹曰樓煩以星施卜盧以紈  
牛牛之小者曰區陽以鼈封若彘前後有首曰規矩  
以麟曰西申以鳳鳥曰氐羗以鸞鳥曰巴人以比翼  
鳥曰方煬以皇鳥曰蜀人以文翰曰卜人以丹砂曰  
方人以孔鳥曰夷用闌木曰康人以桴苡實如李食  
之宜子曰州靡以費費曰都郭以狺狺曰奇榦以善  
芳頭若雄雉佩之不昧曰高夷以唵羊羊四角曰獨  
鹿以叩叩距虛曰孤竹以距虛曰不令支以玄獾曰

說略

卷之三十

六

不屠何以青熊曰東胡以黃羆曰山戎以戎菽曰般  
吾以白虎曰屠州以黑豹曰禹氏以駒駘曰大夏以  
茲白牛曰犬戎以吉黃之乘曰數楚以每牛牛之小  
者曰匈奴以狡犬曰權扶以玉目玉之有光明者曰  
白州以比閭曰禽人以菅曰路人以大竹曰長沙以  
鱉曰魚復以鐘牛曰蠻揚以翟倉吾以翡翠又禹時  
四海貢異物東海魚須魚目南海魚革珠璣大貝西  
海魚骨魚榦魚脅北海魚魴魚石出瑱擊閭河魴江

鰾大龜五湖元唐鉅野淩鉅定羸濟中瞻諸孟諸靈

龜隆谷之玉大都鯨魚魚刀又伊尹爲湯定刀貢正  
東符婁仇州伊慮漚深九夷十蠻越漚鬚髮文身貢  
魚支之鞞烏鯛之醬鮫蔽利劍正南甌鄧桂國損子  
產里百濮九菌貢珠璣瑋瑁象齒文犀翠羽菌鶴鉅  
狗正西崑崙狗國鬼親枳已闢耳貫胸雕題離丘漆  
齒貢丹青白旄紕罽江歷龍角神龜正北空同大夏  
莎車姑他旦略豹胡戎翟匈奴樓煩月氏織梨其龍  
東胡貢橐駝白玉野馬騊駼駃騠良弓

季桓子穿井而獲土缶中有羊焉使人問仲尼曰穿

說略

卷之三十一

七

井而獲狗何也孔子對曰以丘之所聞羊也土之怪  
曰墳羊然則夫子以爲土無狗也按尸子曰地中有  
犬名地狼夏鼎志曰掘地得犬曰賈晉太興元四等  
年及隆安初皆於地中得犬使夫子而當其時不誤  
對哉夫子又云木石之怪曰夔蝮蝮水之怪曰龍罔  
象而吳先主樟樹中斫之有物面似人而狗身陸敬  
叔曰按白澤圖云木之精曰彭侯狀如黑狗無尾可  
烹食之當是時夫子又當誤對也

常獸之異者周成王時東夷進六角牛又進六角羊



周厲王元年外國貢三角羊見述異記元封中大秦獻花蹄牛繞角生四耳見洞冥記岷山多夔牛重千斤見山海經臨洮有竹牛重數千斤見玉堂閑話波羅國有牛十日一割不割便困見什法盛歷國傳大月支越雋國牛亦然見玄中記博物志九真糖牛角長二丈見寰宇記扶桑國有牛角載物至二十斛見南史拂菻國有羊生土中見舊唐書月氏有羊尾重十斤割食尋生見宋膺異物志木蘭皮國羊尾大如扇春則剖腹取膏縫之復活見周致中異域志罽

說略

卷之三十

八

賓國出青羊如翠色見酉陽雜俎蜀復山郡有五角羊成王時渠搜國獻鼪犬鼪犬者露犬也能飛食虎豹見汲冢周書天子之狗走百里執虎豹見穆天子傳杜光庭犬名吠靈可行萬里見南部新書武德中高昌王獻拂菻國狗高六寸長尺餘性甚慧能曳馬銜燭見舊唐通典波斯國多駃犬或赤日行七百里見舊唐書罽賓國狗大如驢赤色數里搖鞞以呼之見郭義恭廣志唐人唐昉拔宅升天雞犬皆去惟鼠墜下不死而腸出數寸三年易之見錄異記齊永明

中會稽鍾山有人姓蔡不知名山中養鼠數十頭呼  
來卽來遣去便去謂之謫仙見南齊高逸杜京產傳  
紅飛鼠出交阯及廣管瀧州捕其一則其一不去婦  
人帶之以爲媚藥見嶺表錄異蜀賓國武德中獻褥  
特鼠喙大尾赤能食蛇被蛇螫者鼠臭而尿之卽愈  
見舊唐書

蘇鶡云蚩者海獸也漢武帝作柏梁殿有上疏者云  
蚩尾水之災能却火殃可置之堂殿今人多作鴟字  
顏之推爾雅亦作此鴟字按蚩尾水獸銅頭鐵額牛  
說略

卷之三十

九

角牛耳乃獸之形作鴟字非意義也

歐陽文忠詩義引賈誼新書騶虞非獸以證毛鄭之  
失然觀司馬相如封禪書囿騶虞之珍禽又曰般般  
之獸樂我君囿黑質白章其儀可喜師古注騶虞也  
則是騶虞之獸果見於武帝時矣山海經亦載此獸  
名太公六韜淮南子皆曰

王文

王拘於羑里散宜生得騶

虞獻紂張平子東京賦曰囿林氏之騶虞何平叔景  
福殿賦曰騶虞承獸素質仁形晉安帝時新野有騶  
虞見又五代史蜀書有騶虞不可謂無是獸也山海

經六設在毛鄭前相如淮南與毛公同時在鄭前其  
言亦爾安得不信乎 國朝永樂二年周王畋於鈞  
州而獲騶虞梁公潛有詩今載於文衡宣德四年滁  
州來安石固山有二騶虞守臣獻於 朝羣臣皆賦  
咏之觀夏公元吉賦序有曰猊目虎身白質黑章修  
尾隅目不食生不踐生與埤雅所云白虎黑文尾三  
倍身相同

酉陽雜俎云象膽春在前左膊夏在前右膊秋則後  
之左膊而冬則後之右膊如龜無定體也肉有十二  
說略 卷之三十 十  
般惟鼻是其本肉按埤雅象具十二生肖肉膽隨月  
轉在諸肉如正月屬寅在虎肉也

相如賦其上則有宛雛孔鸞騰遠射于服虔曰騰遠  
獸名張揖曰射干似狐能緣木夫騰遠旣作獸則不  
應在上或禽名未可知也莊子騰猿得枳棘南都賦  
鸞鸞雛雛翔其上騰猿飛猓棲其下蜀都賦援狄騰  
希而兢捷豈騰遠卽騰猿遠字相近而誤耶

獸有天祿辟邪天祿一作天鹿一作天麤考工記鳧  
氏注旋今時旋有蹲熊盤龍辟邪按鄧州南陽縣北

有宗資墓墓立二獸其高八尺角而鱗分鬣曳尾過壯大左曰天祿右曰辟邪皆刻膊上漢書西域傳烏弋有桃拔注桃拔一名符拔似鹿長尾一角爲天祿兩角爲辟邪無前角者爲浮都傳曰辟邪應瑞之獸也五色光輝長尾善知星變又按古玉器有玉辟邪云是高辛墓中物其首止一角或爲天祿耶漢天祿閣蓋取此名宋時交趾獻獸麟首一角而肉鱗當時不能識後沈括察其形謂是天祿然當時獻無鱗甲五色但皮肉隱鱗不說長尾未得便爲天祿也

說略

卷之三十

十

月令仲夏日鹿角解仲冬日麋角解鹿以夏至隕角而應陰麋以冬至隕角而應陽鹿肉暖以陽爲體麋肉寒以陰爲體以陽爲體者以陰爲末以陰爲體者以陽爲末末者角也故麋茸補陽利於男子鹿茸補陰利於婦人見王楙所著甚明今人不惟一槩作男子補精益血之劑於麋鹿亦不能辨矣

今藥店醫人但知牛黃羊哀狗寶三種之藥羊哀謂治翻胃而牛黃狗寶治驚癇也然牛黃嘗用易識羊哀形如濕茅紙時亦用之狗寶乃生於狗胞中其形

質如鷲卵石而色至白碎之內有文理數十層主治  
噎食及癰疽瘡瘍又見越冀集中云馬有馬黑在腎  
此尤不特罕見亦罕聞者又有雞棲皆不知何所用  
也

山海經敦隅之山有視肉注聚肉形如牛肝有兩目  
食之無盡尋復生如故陶弘景刀劍錄漢章帝鑄一  
金劍投於伊水中以厭人膝之怪人膝似人膝脛以  
下至脚有首鼻口耳手足常損害人按水經云伊水  
有一物如人膝頭有爪人浴輒沒不得出宋江鄰幾

說略

卷之三十

十二

雜志云徐稹廷評監稅廬州河次得一小兒手無指  
無血懼而埋之案白澤圖所謂封食之多力者也視  
肉蓋此類又西湖志董表儀徹屋掘土得一肉塊術  
士云太歲也又本草綱目海中有一種土肉正黑長  
五寸大如小兒臂有腹無口目有三十足可炙食此  
又屬魚之類類乎封者也

百獸率舞釋者謂羽鱗皆可謂之獸予謂凡獸亦可  
謂之禽後漢書華佗傳佗語吳譜曰吾有一術名五  
禽之戲一曰虎二曰鹿三曰熊四曰猿五曰鳥此虎

鹿熊猿猨謂之禽亦百獸之例也

鼠之名甚多如鼯鼠見莊子鼯鼠見詩鼯鼠見燕山  
錄鼯鼯鼠見唐書貂鼠見說文禮鼠見韓文鼯鼠見  
春秋食蛇鼠見唐書鼯鼠見漢書鼯鼠見說文鼯鼯  
鼠見唐韻鼯鼯鼯鼯鼯鼯鼯鼯鼯鼯鼯鼯鼯鼯鼯鼯  
神異經火鼠鼯鼠鼯鼠水鼠鼯鼯鼠並見本草鼯鼯  
鼯鼠鼯鼯鼠鼯鼠鼯鼠鼯鼠鼯鼠鼯鼠鼯鼠鼯鼠鼯  
鼠鼯鼠鼯鼠見張揖廣雅

五鳳皆五色爲瑞者一爲孽者四其四皆似鳳並爲

說略

卷之三十

十三

妖一曰鸛鵒鳩喙圓目身義戴信嬰禮膺仁負智至  
則疫之感也二曰發明烏喙大頸翼身仁戴智嬰義  
膺信負禮至則喪之感也三曰焦明長喙疏翼圓尾  
身義戴信嬰仁膺智負禮至則水之感也四曰幽昌  
兌目小頭大身細足脰若鱗葉身智戴信負禮膺仁  
至則旱之感也國語曰周之興也鸞鸞鳴岐說文曰  
五方神鳥東曰發明南曰焦明西曰鸛鵒北曰幽昌  
中曰鳳凰見樂叶圖徵青鳳謂之鸞赤鳳謂之鶉黃  
鳳謂之鸞白鳳謂之鸞紫鳳謂之鶉見禽經凡五方

之鳥皆似鳳而非也東方發明全身總青西方鷓鴣  
全身總白南方焦明全身總赤北方幽昌亦曰退居  
全身總黑中央玉雀亦曰鳳皇全身總黃見人鏡經  
鳳有六像一曰頭像天二曰目像日三曰背像月四  
曰翼像風五曰足像地六曰尾像緯有九苞一曰口  
包命二曰心合度三曰耳聽達四曰舌詘伸五曰彩  
色光六曰冠矩州七曰距銳鈎八曰音激揚九曰腹  
戶行見論語摘輔象有五德鳳頭青故曰戴仁鳳纓  
白故曰纓義鳳背赤故曰負禮鳳胸黑故曰向智鳳  
說略

卷之三十一

十四

足下黃故曰蹈信見抱朴子孔雀有九德一顏貌端  
正二音聲清徹三行步庠序四知時而行五飲食知  
節六常念知足七不分散八少媠九知反覆見增上  
經田饒謂魯哀公曰夫鷄頭戴冠者文也足搏距者  
武也敵在前敢鬪者勇也見食相呼者仁也守夜不  
失時者信也見韓詩外傳  
少陵七歌云嗚呼四歌兮歌四奏竹林爲我啼清晝  
後注詩者更作林猿崇寧間有人自同州得一禽大  
如雀色正青善鳴問其名曰竹林鳥也

耶律德光入洛陽聞杜鵑以問李崧曰此何聲也崧以杜鵑對然則五代之時洛中已有杜鵑矣邵康節散步天津橋聞杜鵑聲謂客曰洛陽舊無杜鵑今始至去後二十年必有南人作相務變更以亂天下者邵子所謂始至豈其一時創見而不知有前事耶

禹貢導渭自鳥鼠同穴孔傳謂鳥鼠共爲雌雄同穴而處蔡氏以爲怪誕不足信而謂同穴自爲山名鳥鼠爲同穴之枝山按爾雅鳥鼠同穴其鳥爲騶其鼠爲鼯郭璞注鼯如人家鼠而短尾騶似鷄而小黃黑色穴入地三四尺鼠在內鳥在外在隴西首陽縣鳥鼠同穴山中今鳥鼠同穴山在渭源縣二十里俗呼爲青雀山實有鳥與鼠同處於穴又甘肅永昌衛山中亦有此異鳥則灰白色夷名本周兒鼠則如郭璞所云夷名苦朮兀兒不獨渭源爲然蔡氏南人又值宋南渡後鳥鼠隔在北朝宜其不信然爾雅所載豈得不聞又潯州有糖牛與蛇同穴嗜鹽裹鹽入穴取之其角如玉可以爲器物生之異固不可臆決也

唐盧延遜詩樹上詔詼批頰鳥廳間壁剝叩頭蟲王



半山詩翳林窺搏黍藉草聽批頰元人送春詩批頰  
穿林叫新綠韓致光春恨詩云殘夢依依酒力餘城  
頭批頰伴啼鳥平明乍捲西樓幙院靜初聞放轆轤  
批頰蓋鳥名但不詳爲何形狀耳或曰卽鴨鵝也  
北戶錄言衡州南靈鷲鵠解嶺南野葛諸菌毒及辟  
溫瘴又一名鴉名對啼廣志言鷓鴣形似雌鷄其志  
懷南不北徂也鳴云但南不北古今注云其鳴自呼  
南越志云其鳴自呼曰杜薄州食之亡厲惟本草說  
鳴云鉤輈格磔一云聲若行不得哥哥

說略

卷之三十一

十六

鳥之異名甚夥不暇徵其形唯志其名則如鷓鴣善  
芳見汲冢書馱鷓鴣見唐韻王母使者皆明細鳥菘  
節紫蒿見雜俎乾餘骨見南華經鴉見極塗錄珊瑚  
見蟬史佛現見峩帽縣志青鳥見列仙傳輪狂鳥鷓  
鷓鴣鷓鴣鷓鴣見爾雅傳信羅平萬春服留倒挂  
玄鈎見蟬史渠逸卽九頭鳥也見夷堅志金吾見前  
漢百官表歸飛見俞益期牋木客見廣陵異物志鷓  
鳥見南康記共命鳥生雪山見雜寶藏經駝鳥見後

漢書骨托河州之禽也見墨客揮犀鷓鴣見臨海異

物志越王鳥名糞以爲香見法眞登羅山疏

淮南子有烏鵲填河成橋渡織女之說故庾肩吾七夕詩云倩語雕陵鵲填河未可飛宋之問云烏鵲橋邊一鴈飛王建云龍駕車轅鵲填石商隱云星橋橫道鵲飛廻晏叔原云鵲慵烏慢得橋遲張文潛云靈官召集役靈鵲橫渡天河雲作橋爾雅翼云涉秋七日烏鵲首無故皆髡相傳以爲是日河鼓與織女會於漢東役烏鵲爲梁以渡故毛皆脫去今七月七日絕不見烏鵲翼日驗之鮮不髡者羅願謂秋乃鳥獸說略

卷之三十

十七

毛毳之時又山海經羣鳥有解羽之所然必於一日理所不能推也

史記中能馴鳥獸知其話言者伯翳見路史解牛語者介葛盧見左傳秦仲知百鳥之音與之語皆應見史記解鳥語者公冶長見衝波傳管輅見博物志成子見朱賢畫贊楊宣河內太守見耆舊傳侯瑾字子瑜見燉煌實錄又廣漢陽翁偉解馬語見論衡李南亦解馬語見抱朴子詹何得牛鳴知牛黑而白在角見韓非子廷尉沈僧照聽南山彪嘯云國有邊事當

選人丁見梁典咸通初渤海僧隆多羅見牝豕引諸豚而行咯咯有聲知其言向前樹陰中吃妳前果有大槐樹見闕史白龜年得李太白書一卷能辨禽言獸語知二雀言城西民家餘粟在地廐馬仰首而嘶爲糟熟不可食羊鞭之不動言腹有羔見翰府名談龍門點額之說人所常談今按往記河津一名龍門巨靈跡猶存水懸下注旁有山水陸不通龜魚之屬莫能上江海大魚集門下數千不得上上者爲龍不上者魚故云曝鰓龍門垂耳轅下見三秦記龍門之

說略

卷之三十

十八

下每歲季春有黃鯉二魚自海見諸川爭來赴之一歲中登龍門者不過七十一初登龍門卽有風雨隨之天人自後燒其尾乃化爲龍矣見林登博物志鱣鮪出鞏穴三月則上渡龍門得渡爲龍矣否則點額而還見水經注交阯縣封谿縣有隄防龍門水深百尋大魚登此門化成龍不得過曝鰓點額血流此水常如丹池有秦潛江出漚山分九十九流三百里共會一口見交州記舊說春水時至魚登龍門則有化者至今汾晉山穴龍蛻骨角甚衆採以爲藥有五色

者見國史補蜀五城縣其上值天門天門龍升天不  
達死墜此地故掘取龍骨冬夏無已見華陽國志又  
有鱗曰蛟龍有翼曰應龍有角曰鼈音龍無角曰蛇  
音龍見張揖廣雅龍未昇天曰蟠龍見方言驪龍見  
莊子昆侖下泥丸處名地仙丸館有癡龍如羊見幽  
明錄垂龍入宣律師指中見高僧傳又憑君身入華  
陽洞割取垂龍左耳來見韓文公集內典云人火得  
水而滅龍火得水而熾陸佃埤雅曰龍不見石人不  
見風魚不見水鬼不見地又酈道元水經注曰魚龍  
說略

卷之三十

十九

以秋日爲夜蓋龍秋分而降則蟄寢於淵也

龍涎所出及形狀臭味負暄雜錄葉廷圭香譜曹昭  
格古論異域志居家必用瀛涯勝覽皆載其說然並  
不若張世南游宦記聞爲詳因備錄如左諸香中龍  
涎最貴廣州市直每兩不下百千次等亦五六十千  
係蕃中禁權之物出大食國近海傍常有雲氣罩山  
間卽知有龍睡其下或半載或二三載土人更相守  
視俟雲散則知龍已去往觀必得龍涎或五七兩或  
十餘兩視所守人多寡均給之或不平更相讎殺或

云龍多蟠於洋中大石臥而吐涎魚聚而嗜之土人見則沒而取焉又一說大洋海中有渦旋處龍在下湧出其涎爲太陽所爍則成片爲風漂至岸人則取之納官予嘗叩泉廣合香人云龍涎入香能收斂腦麝氣雖經數十年香味仍在嶺外雜記所載龍涎出大食西海多龍枕石一睡涎沫浮水積而能堅鯨人采之以爲至寶新者色白稍久則紫甚久則黑又一說云白者如百藥煎而賦理黑者亞之如五靈脂而光澤其氣近於臊似浮石而輕或云異香或云氣腥

說略

卷之三十

二十

能發衆香氣皆非也於香本無損益但能聚煙耳和香而用真龍涎焚之則翠煙浮空結而不散坐客可用一剪以分煙縷所以然者蜃氣樓臺之餘烈也又一說云龍出沒於海上吐出涎沫有三品一曰汎水一曰滲沙三曰魚食汎水輕浮水面善水者伺龍出隨而取之滲沙乃被波浪漂泊洲嶼凝積多年風雨侵淫氣盡滲於沙土中魚食乃因龍吐涎魚兢食之復作糞散於沙積其氣腥穢惟汎水香可入香用餘二者不堪又大明會典吉里國及蘇門答刺國永樂

中皆貢龍涎也

龍生九子不成龍各有所好囚牛好音樂以飾胡琴  
睚眦好殺以飾刀柄嘲風好險在殿角蒲牢好鳴取  
爲鐘紐狻猊好座取爲佛座霸下好負重爲碑座狴  
犴好訟爲獄門負羸好文在碑兩傍蚩吻好吞在殿  
脊弘治間秦陵令中官問龍生九子名目於李少師  
東陽李不能悉詢於吏部劉員外績乃得其說於故  
冊面上所錄然亦不知所從出因據以復余憶十一  
二時曾見其說於對類總龜中近因歷考傳記乃知

說略

卷之三十一

二十一

其說爲不經睚眦戰國策聶政曰賢者以感忿睚眦  
之意注睚舉眼也眦目匡也史記范雎傳睚眦之怨  
必報漢書杜欽傳睚眦必報張衡西京賦睚眦蠶介  
蒲牢班固東都賦注海中有大魚曰鯨海邊又有獸  
名蒲牢素畏鯨鯨魚擊蒲牢輒大鳴凡鍾欲令聲大  
故作蒲牢於上所以撞之者爲鯨魚狀狻猊穆天子  
傳後狻猊日走五百里爾雅狻猊如虡貓食虎豹郭璞  
注卽師子也出西域漢順帝時疏勒王來獻幫牛及  
師子漢書西域傳烏弋國出師子孟康曰似虎正黃

有頰形尾端大如斗續漢書條支國出師子章帝章  
和元年安息國遣使獻師子十洲記聚窟洲在西海  
中北接崑崙有師子博物志魏武經白狼山逢師子  
見一物如狸跳上頭師子伏不敢起遂殺之韻會犬  
生二子曰獅狴犴字林云犴胡地野狗似狐黑喙周  
官士射犴侯犴胡犬其守在夷士以能勝四夷之守  
爲善詩宜犴宜獄今文作岸楊子狴犴使人多禮上  
林賦蝮蝮犴犴犴雅善守韻會獄曰犴或作犴犬所  
以守故謂獄爲犴員員一作犴一作員員一作員

說略

卷之三十一

二十一

韻會狀大貌又鼈也一曰雌鼈爲員廣韻壯士作力  
貌西京賦巨靈鼈員吳都賦巨鼈員蚩吻當作鴟  
尾言蚩尾蚩吻並誤王子年拾遺鯨沈羽淵化爲玄  
魚後人修玄魚祠以祀之嘗見其浮躍出水長百尺  
噴水激浪必降大雨漢世越巫請以鴟魚尾厭火災  
今之鴟尾是也唐會要漢武柏梁殿災越巫獻術言  
海中有魚名虬其尾似鴟激浪則降雨遂作其形置  
於殿脊以厭火災南史蕭摩訶詔其廳事寢堂並置  
鴟尾已上都不見有龍子之說囚牛嘲風霸下侯考

右胡侍所記又按陸文量菽園雜記博物志逸篇云  
鬚鬚其形似龜性好負重故用載石碑螭其形似  
獸性好望故立屋角上蒲牢其形似龍而小性好吼  
叫有神力故懸於鐘之上憲章其形似獸有威性似  
囚故立於獄門上饕餮性好水故立橋所螭蜴形似  
鬼頭性好猩故用於刀柄上螻蛄其形似龍性好風  
雨故用於殿脊上螭虎其形似龍性好文彩故立於  
碑文上金猊其形似獅性好火煙故立香爐蓋上椒  
圖其形似螺螭性好閉口故立於門上今呼鼓了非  
說略

卷之三十

也蚺蛇其形似龍而小性好立險故立於護朽上鰲  
魚其形似龍性好吞火故立於屋脊上獸吻其形似  
獅子性好食陰邪故立門環上金吾其形似美人首  
魚尾有兩翼其性通靈不睡故用巡警此與前微異  
且多五獸而形體較詳然不知其何所本也  
左傳筮短龜長杜預注曰筮數龜象象長數短此譬  
說也孔穎達云神以知來智以藏往是以極妙雖龜  
之長無以加此以至理而言卜筮實無長短蓋亦知  
杜之謬而不敢規之今按獻公卜驪姬卜吉而筮凶



卜人曰筮之辭所言理短龜之辭所言理長故下文遂引龜辭蓋卽立驪姬一事而非謂筮龜有長短也周禮龜人六龜之屬曰天龜靈屬地龜繹屬東龜果屬南龜獵屬西龜雷屬北龜若屬史記龜策傳凡八名龜曰北斗曰南辰曰五星曰八風曰二十八宿曰日月曰九州曰王龜唐六典太卜卜龜九類曰石龜泉龜蔡龜江龜洛龜海龜河龜淮龜旱龜爾雅易十朋之龜曰神龜靈龜攝龜寶龜文龜筮龜山龜澤龜水龜火龜

說略

卷之三十

二十四

于頔在海南日夜方三更忽曉如日初出移時復暗徧嶺南皆然後有海客言某日夜海中見一大金鰲浮出目光照耀天地如白晝徐復沒驗其日正同乃知古所謂日夜出者亦鰲光之所爲也

古人稱魚之美者吳王闔閭征夷入海據洲而守東風大震水上見金色逼海而來繞沙洲百匝所司撈水得魚食之美夷人不獲一魚遂降吳王因以魚腹腸肚以醎水淹之送與夷人因號鱸鯪吳王歸思海中所食魚所司云薨之矣吳王索之味美因書美下

著魚是爲鰲字今从鰲非也見吳地記子思居衛衛人釣於河得鰈魚焉其大盈車子思曰鰈魚魚之難得者也見孔叢子左慈在曹操坐曰恨少松江鱸魚耳慈因求銅盤貯水以竹竿鉤釣於盤中須臾引一鱸魚出見後漢書介象與吳王共論鱸魚爲上乃於殿庭作坎汲水滿之并求釣象起餌之須臾得魚淳化閣帖作鱸魚見神仙傳虞嘯父爲侍中帝從容問曰卿初不聞有所獻替嘯父家近海謂帝有所求對曰時尚溫蠶魚蝦鮓未可致帝大笑見晉書褚彥回

說略

卷之三十一

二十五

元徽中授中書監侍中時淮北屬魏江南無鰈魚間有至者一枚直數千錢有獻彥回三十枚見南齊書峴山下漢水中出鰈魚肥美常禁人采捕以槎斷木謂之槎頭縮項鰈宋張敬兒爲刺史獻齊高帝一千六百頭見襄陽耆舊傳桃花流水鰈魚肥見一品集又巨口細鱗狀似松江之鱸見東坡集嘉魚出於丙穴見蜀都賦魚知丙穴由來美見杜工部集洛鯉伊魴貴於牛羊見洛陽伽藍記

淮南子曰瓠巴鼓瑟而淫魚出聽說者曰淫魚頭與

身相半其長丈餘鼻正白身正黑口在額下伏侶鬪有鬻而無鱗出於江中其性喜音聞樂作則出頭水上聽之是聽瑟獨淫魚爲然今談者胥謂瓠巴鼓瑟而游魚出乃若槩指凡魚於其出處不無小誤也

揚廷秀因舉河魴所原起古書未見載錄者以問尤延之曰左太冲吳賦叙王鮪鰈鮠劉淵林注鰈鮠魚狀如科斗大者長尺餘腹下白背上青黑有班文性有毒雖小獺大魚不敢啖之蒸煮食之肥美以是考之河魴本原莫明白於此廷秀驗視之言無殊因嘆

說略

卷之三十一

二十六

延之眞書府也此出葉寘筆衡所載宛委餘編按本草鰈魚有毒不可食之其肝毒殺人中此毒卽劉蘆根煮汁解之此卽河豚也陳藏器又云味甘溫無毒補虛去濕氣理腰脚去痔疾殺蟲與本草所載微異不知卽一種耶抑二種也

內則云狼去腸狸去正脊兔去尾狐去首豚去腦魚去乙鰈去醜鄭氏注云皆爲不利人也乙魚體中害人者東海鰈魚有骨名乙在目旁狀如篆乙食之鯁人不可出爾雅云魚枕謂之丁魚腸謂之乙魚尾謂

之丙鄭玄謂乙爲魚骨爾雅則以爲魚腸皆以其如篆書字之狀也若以狼去腸推之則魚之乙非腸乃魚骨也

汲冢周書云海陽巨蟹其殼專車山海經云姑射國大蟹在海中郭璞注蓋千里之蟹也又云女丑有大蟹郭璞注廣千里也周禮庖人共祭祀之好羞鄭康成注好羞謂四時膳食若荊州之鱧魚揚州之鱉胥陸德明音釋云蟹醬也淮南子云漆見蟹而不乾玄中記云天下之大物有北海蟹焉舉一螯加於山身

說略

卷之三十一

二十七

故在水中又云山精如人一足長三四尺食山蟹洞冥記云善苑國嘗貢一蟹長九尺有百足四螯因名百足蟹煮其殼謂之螯膠勝於鳳喙之膠酉陽雜俎云平原郡貢糖蟹採於河間界每年生貢斲水火照懸老犬肉蟹覺老犬肉卽浮因取之一枚直百金以羶密束於驛馬馳至京又云蝻蚌大者長尺餘兩螯至強八月能與虎鬪虎不如隨大潮退殼一退一長又云蟹腹下有毛殺人又引伊尹書有蟹蝥晉書太康四年會稽彭蠡及蟹皆化鼠甚衆復大食稻爲災

廣雅云蟹雄曰蝦蟇雌曰博帶北戶錄云儋州出紅蟹大小殼上作十二點深臙脂色其殼與虎蟹堪作疊子廣志云鋪小蟹大如貨錢又蟹奴如榆莢在其腹中生死不相離遼志云渤海蚘蟹紅色大如椀螯巨而厚其跪如中國蟹螯清異錄云煬帝幸江都吳中貢糟蟹糖蟹每進御則旋潔拭殼面以鏤金龍鳳花貼上又姑蘇志云出大湖而色黃殼軟曰湖蟹冬月益肥美謂之十月雄出吳江汾湖者曰紫鬚蟹出崑山蔚洲者曰蔚遲蟹又有江蟹黃蟹又稻泐蟹食說略

卷之三十一

二十八

既足腹芒朝江爲樂蟹又呂亢守台州命工作蟹圖凡十二種一曰螭蟬二曰撥棹三曰擁劍四曰彭蠡五曰竭朴六曰沙狗七曰望潮八曰倚望九曰石蛭十曰虾江十一曰蘆虎十二曰彭蜞皆怪山蟹譜所遺

蚘有四足者見本草有冠者見抱朴子有飛者見荀卿子有獸首者見大荒經有人面者見江湖紀聞有一身兩首者見管子有岐尾者見廣志有鈎尾者尾長取人見郡國志有高尾者有拖形者有杵形者見

本草有五色者見水經有如孔雀珠色金翠奪目者有紅色如血者見北戶錄

蛇兩頭者嶺外多有如小指大者長尺餘腹下鱗紅背錦文一頭有口眼一頭無口眼云兩頭俱進退謬也昔孫叔敖云見之不祥殺而埋之恐他人見復受其禍南人見之如常其禍安在見嶺表錄異兩頭蛇一名越王約髮俗占見之不祥見異苑兩頭蛇無毒夷人餌之見南越志紀僧真遭母喪開冢得五色兩頭蛇見南史

說略

卷之三十

二十九

顏含媿病須蚺蛇膽不能得含憂歎累日有一童子持青囊授含視之乃蛇膽也童子化爲青鳥飛去見中興書交阯山多大蛇名曰蚺蛇長十丈圍七八尺常在樹上伺鹿獸過便低頭繞之有頃鹿死先濡鹿令濕便吞頭角骨皆鑽皮出山夷始見蛇不動時便以大竹箴箴蛇頭至尾殺而食之以爲珍異見水經蚺惟大蛇旣洪且長采色駁犖其文錦章食灰吞鹿腴成養創實享嘉宴是豆是觴見楊氏南裔異物志泉建州進蚺蛇膽五月五日取膽時兩柱相去五六

尺繫蛇頭尾以杖於腹下來去扣之膽卽聚以刀割  
取藥封放之不死復更取看肋下有痕卽放見僉載  
蝻蝻膽上旬近頭中旬在下心下旬近尾見酉陽雜俎  
膽大若鴨子切取之復納肝腹中以線縫合創口蛇  
亦復活昇歸放於川澤其膽暴乾以充土貢或云蛇  
被取膽它日見捕者則遠遠側身露腹創明已無膽  
以此自脫見嶺表錄異蝻蛇牙長六七寸土人尤重  
之云辟不祥利遠行賣一枚直牛數頭見杜鵑志蝻  
蛇肉食之辟蠱毒見證俗音其膏俗傳不和人其皮  
詭略

卷之三十一

二十一

鞞鼓見元戶錄其脂著人骨

陽和身

不羆見埤雅

羆子蠶賦曰此夫身女好而頭馬首者與今蠶頭實  
似馬而卿乃云爾則蠶爲馬類古有其傳矣周禮禁  
原蠶爲妨馬也今術家未僵蠶塗傳馬輒不能嚙草  
則蠶馬同類信矣

杖名扶老鳥亦名扶老蟲名寄生軍裝亦名寄生鷓  
名晨風馬亦名晨風木名長卿蟛蜞亦字長卿琵琶  
有大小忽雷馬有忽雷駮鱷魚亦名忽雷

卷之三十一終

